

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

VIII. Bonifacij constitutio de Pontificis in temporalia potestate, à Clemente rescissa, quod attinet ad Gallos.

**urn:nbn:de:hbz:466:1-15591**

officium est judicare & coercere resistentes. Si quis autem tumens superbiam non obedierit eorum imperio, nec Princeps, cuius fuit officium judicandi, habet potestatem resistendi vel coercendi, tunc incipit vestra cognitio: quia tunc accedere debet vestre monitio, dicente Paulo ad Tit. c. 3. Admone illos Principibus & potestatis subiectos esse & subditos. Vbi autem maleficia & scelerata manifesta sunt, veluti prede, rapine, & similia; nec est Princeps qui possit, aut velit corriger; tunc accedere debet monitio, & demum vestre potestatis mucro: sed non de justo & injusto cognitio, quia de hoc non debetis cognoscere, aut manum ad hoc apponere. Sed cum manifestum fuerit, aut per sententiam juris, aut evidentiā sceleris, que nulla eget cognitione, tunc poteris ad vos ea, modo & forma de quibus dictum est, per incere, ad vestrum finem, videlicet spiritualem, abque aliquo questiū, debite monitis, nolebitib[us]que, aut impotentibus seculi Principibus. Alias, si propter peccati colligantiam vultis de casibus prenotatis cognoscere, non restat nisi foras Principum claudere, silere leges & decreta Principum, & vestra sola resonare.

VIII. Ceterum Bonifacius VIII. à sententia predecessorum suorum deflexisse videatur. Odii enim acerrimis inter eum & Philippum IV. accensis, eo provectus est Pontifex, ut Regem non solum anathemate feriret, sed etiam sibi subditum in rebus civilibus scripto denuntiaret, quam sententiam edita extravaganti constitutione firmavit anno ultimo Pontificatus. Bonifacium animi merore confectum exceptit Benedictus XI. & post annum interregnum Benedicto Clemens V. origine Vasco decimo quarto seculo inuenire succedit. Hic verbis in predecessorem permodestis, & ad Regis dignitatem efficacibus, contraria constitutione tum memoria Bonifacij sedisque apostolicae auctoritati, tum regni Galici juribus consuluit. *Hinc est, inquit, quod nos Regi & regno per definitionem & declarationem bona memoria Bonifacij Pape VIII. predecessoris nostri, que incipit Vnam sanctam, nullum volumus vel intendimus prejudicium generari, nec quod per illam Rex, regnum, & regnabile prelibati amplius Ecclesie sunt subjecti Romane, quam antea existebant, sed omnia in eodem esse statu quo erant ante definitionem prefatam.* Statutus autem ultimus, quem inspicere oporteret, petendus est è Decretalibus Innocentij III. qui Superiore in temporalibus à Regia Corona Francorum amovit; et si res ambiguas, & cognitionem de peccato, sed apostolicas vindicaverit, quod ultimum nostri statim à constitutionibus illis editis suscipe-re recusarunt. Plura de Bonifacij & Philip-

pi dissidio dixisse, nisi hanc operam occupasset vir clarissimus Henricus Spontanus Episcopus Appamiarum in elaborato illo opere, quo Illustrissimi Cardinalis Baronij desinentes Annales excipiens, tribus voluminibus quatuor seculorum ecclesiasticae historiam ad nostram ætatem integræ fide & sollicita diligentia suis auspiciis describit, quemadmodum superiorum temporum epitome Baronium expresserat.

## ADDITIONE

STEPHANI BALUZII.

**C**RUDELISSIMUM illud Bonifacii VIII. & Philippi Pulcri dissidium, in ruinam & perniciem istius florentissimi regni exortum, tot scriptorum & annalium monumentis celebratum est, speciali etiam opere explicatum à clarissimo & a manissimo patriæ viro Petro Puteano, ut necesse non sit heic à nobis eam camarinam rursum moveri. Verum quia simul & illustranda est pro modulo nostro explicatio capituli *Pervenerabilem*, quam in hoc capitulo attrulit illustrissimus Archiepiscopus, tum etiam ex ea occasione confutandus Bonifacius, qui in oratione quam anno MCCCII. Romæ in publico Consistorio habuit pro confirmando Rege Romanorum Alberto (de qua supra meminimus in Additione ad caput primum istius libri) auctor est pronuntiare Gallos, dum aiunt se non recognoscere superiorem, mentiri, & nescire se ubi hoc invenerint, res postulare videtur ut omisisse ceteris argumentis quæ adduci possunt ad afferendum supremum Regum nostrorum in Gallias imperium, quo in arguimento feliciter versata est hic noster Archiepiscopus, etiam id ostendamus auctoritate eorum qui vel aucto Bonifacij vixerunt, vel certè non admodum remoti ab eo fuere. Ac primum quidem responderi posset Gallos istud invenire in Decretali Innocentij III. quam Bonifacius, canonici juris peritissimus, ignorare non potuit, cùm extet in libris Decretalium. Quod vel unicum sufficere poterat Romano Pontifici pacato & non irato. Sed habemus præterea disertum Gulielmi de Montelauduno Iurisconsulti per eas tempestates celeberrimi testimonium: qui in commentario ad Clementinam Romani, de iurejurando, Regem Francorum scribit non recognoscere Imperatorem superiorem; ad eamque rem probandam uitium etiam testimonio capitis *Pervenerabilem*. Tum addit: *Ioannes tamen Theutonicus non concordat his. Sed erat Almanus vel Theutonicus. Unde favor & caro & sanguis revelarvit sibi. In actis autem veteribus anni MCCCXL. qua extant Parisii in Camera Computorum, cùm describuntur ea quæ gesta sunt apud Valentiam Prid. Non. Martij inter Petrum Regem Aragonum & Raimundum Rubei Nuntium Iacobi Regis Majoricarum, qui ex paclis olim initis inter eosdem Reges urgebat Aragonium ut suspectas sibi ferret adversus Philippum Valesum Francorum Regem, qui Monspeliensem urbem & alia quadam loca ad Iacobum pertinencia occupaverat; dum haec, inquam, describuntur, narratur inter cetera quomodo Aragonius responderit*

iniqua videri postulata Iacobi, ipsum quippe injuria voluisse privare Regem Francorum supremo dominio quod ipsi competebat in ea loca, & hunc iure optimo ob eam caufam illa occupasse; quodque dicitur Rex Francia, qui in suo regno superiore in temporibus non cognoscit, pro tuitione juris & possessionis sue predidit justia more antiquum sui regni apposuit vel apponi fecit manum suam regiam in villa & vicecomitatis supradictis &c. Reliquam est ut orationem Bonifacij, de qua superius locuti sumus, hec edamus ex veteri codice Ms. Bibliothecæ Colbertræ. Haec enim in lucem non prodit.

## ALLEGATIO

DOMINI PAPÆ BONIFACII  
pro confirmando Rege Romanorum Alberto.

**A**ffuit tempus quo sol resulfit, qui prius latebat in nubilo. Machabæorum 11. Fecit Deus duo luminaria magna, luminare majus, ut præsset diei; luminare minus, ut præsset nocti. Hæc duo lumina facit Deus ad litteram, sicut dicitur in Genesi. Et nihilominus spiritualiter intellecta facit lumina prædicta, scilicet Solen, id est, ecclesiastica potestate, & Lunam, hoc est, temporalem & imperiale, ut regerer universum. Et hec Luna nullum lumen habet nisi quod recipit à Sole, sic nec aliquatenus potestas aliquid habet nisi quod recipit ab ecclesiastica potestate. Lieet autem ita communiter consueverit intelligi, nos autem accipimus hic Imperatorem, Solem, qui est futurus, & hoc est Regem Romanorum, qui promovendus est in Imperatorem, quiet Sol, sicut Monarcha, qui habet omnes illuminare & spirituale potestatem defendere, quia ipse est datus & missus in laudem bonorum & in vindictam maleficorum. Per dies autem intelligimus bonos, & per noctem intelligimus malos peccatores & tenebrosos, juxta illud: *Dies dei eructat verbum, & nos nocti indicat scientiam.* Per dies autem intelligitur potestas ecclesiastica seu terrena, juxta illud: *Dies firmabuntur, & nemo in eis.* Quia non possunt dicere: Ego Pauli, ego sum Apollonius. Sicut enim à Christo Christiani dicuntur, hic à Christo & Christi Vicario successore Petri formantur & defenduntur omnes dies, hoc est, omnes potestates; & nemo in eis, quia non possunt dicere, ego Pauli, ego sum Apollonius. Sed omnes sunt à Christo & à nobis tanquam à Vicario Iesu Christi. Vnde haec nota & scripta sunt, quod Vicarius Iesu Christi & successor Petri potestatem imperij à Grecis transfluit in Germanos, ut ipsi Germani, id est, septem Principes, quatuor Laici, & tres Clerici, possint eligere Regem Romanorum, qui est promovendus in Imperatorem & Monarcham omnium Regum & Principum terrenorum. Nec insurgat hic superbia Gallicana, quia dicit quod non recognoscit superiorum. Mentiuntur: quia de iure sunt & esse debent sub Rege Romano & Imperatore. Et nescimus unde hoc habuerint vel adinvenerint: quia constat quod Christiani subditi fuerunt Monarchi Ecclesia Romanae & esse debent. Nec habent hoc à lege veteri vel nova, nec aliquo Prophetâ, vel Evangelio, vel Apostolo. Vnde hic dicimus quod dicit Apostolus: *Et si quis evangelizaverit vobis aliud quam evangelizamus, etiam Angelus de cœlo, anathema*

fit. Et nos volumus quod quicunque evangelizaverit aliud, anathema sit. Ille quidem, videlicet electus in Regem Romanorum, prius fuit in nubilo arrogans & ignorantia. Etenim non fuit devotus ad nos & Ecclesiam istam sicut debuit. Nunc autem exhibetur se devotum & promptum ad faciendum omnia que volumus nos & fratres nostri & Ecclesia ista. Vnde nunc venit & affuit tempus miserendi ejus, sicut alibi dicit Apostolus: *At ubi venit plenitudo temporis.* Venit quidem tempus ut constituiam eum super gentes & regna, ut evellet & destruet, dissipet & disperget, & adficeret & plantaret. In nomine Domini constituius sic eum à die, non in hodie aeternitatis, de quo dictum est filio, *Ego hodie genui te,* sed in hodie temporis. Sicut enim pater dedit filio potestatem non in tempore, sed in aeternitate, sic Christus homini & Christi Vicario dedit potestatem in tempore, ut ipse habeat jus constituendi Imperatorem & imperium transferendi. Et attendant hic Germani, quia sicut translatum est imperium ab aliis in ipsos, sic Christi Vicarius successor Petri habet potestatem transferendi imperium à Germanis in alios quoscunque, si vellet, & hoc sine juris injurya. Tamen dicit Sapiens: *Quod justum est iuste exequiri.* Vnde si subveniret iusta & legitima causa, iuste posset transferre; & iusta faceret, si eos privaret. Tamen hæc fuit semper patientia istius Ecclesie, quæ magis voluit cum eis de benignitate agere quam de rigore, ut non privaret eos, licet iusta private potuisset. Et licet etiam multi essent defectus in electione istius, nos tamen volumus supplere omnem defectum, & magis de benignitate quam de rigore supplementis de plenitudine potestatis. Vnde electionem de ipso factam approbamus & ratificamus. Et quia, sicut dicitur in iure, ratibatio retrotrahitur & mandato comparatur, hodie vivificamus & robora-mus omnes actus quoscunque feci à tempore ipsius electionis; dum tamen sint alias iusti & legitimæ, quia iuncta nec inlegitima non approbare deberemus. Et hoc facimus, quia de eo bona presumimus in futurum, quia, sicut dicitur in Thobia, boni patris filius est. unde & alibi: *Sepel filius similis est patri.* Pater vero fuis Radulphus, catholicus, fidelis, & devotus isti Ecclesie, homo verax & veridicus. Vnde vulgariter dicebatur in tota terra illa, quando aliquis decipiebarat in promissione: Non habet veritatem dictum istius fuit dictum Radulphi Comitis. Si autem ipse vellet contrarium facere, non posset: quia nos non habemus alas nec manus ligatas, nec pedes compeditos, quin bene possumus eum reprimere & quemcumque alium Principem terrenum. Quidam enim Principes faciunt colligationes suas. Et audacter dicimus quod si omnes Principes terreni essent hodie colligati contra nos & contra Ecclesiam istam, dum tamen nos habemus veritatem & staremus pro veritate, appretiaremus eos unam festucam. Et sine dubio si veritatem & justitiam non haberemus, bene timeremus. Sed alias omnes confundemus, & veritas confundet eos. Vnde hodie de isto, quem hodie preficiimus, dicimus quod dicit Petrus in epistola hujusmodi temporis. *Servi, subditi estote Regi tanquam præcellensi.* Iste est Rex præcellens super omnes Reges, & nullus est ab eo exemptus. Et ibidem: *Deum timete, Regem honorificate;* quia simul hic est Rex, ab omnibus tanquam præcellens timendus & honorificandus. Et bene subiunxit: *Regem honorificate;* quia similiter hic est Rex ab omnibus tanquam præcellens

cellens timendus & honorificandus. Igitur faciat bene Rex. Quia si bene defendet & recuperet iura sua & iura regni & imperij, audacter dicimus quod nos defendemus plus iura sua quam nostra, & hoc contra quemcumque de mundo, & per nos firmabitur sententia sua & non flectetur. Ipse vero misit huc procuratores suos, qui sunt hic praesentes, cum plenario mandato jurandi in animam suam & faciendi & exhibendi nobis omnia que per ipsum sunt facienda vel exhibenda, & volumus quod predicta faciant sicut est consuetum.

C A P V T I V .

Synopsis.

I. Instituitur controversia, an liceat Principi de rebus ecclesiasticis leges ferre, que in partes aliquot dividitur.

II. Spiritualis potestas Apostolis & eorum successoribus collata, in Reges non manavit: quorum iura Christus quidem non lexit, sed etiam auxit.

III. Quod non solum de infidelibus, sed etiam de Christianis Principibus intelligendum. Politia Synagoge discutitur, ut scatur an iura Regum Iudee communicari possint Regibus Christianis. Iudaorum Respublica constituta a Mose, è Rege, Pontifice, & Consiliis. Quod differit à Christianorum statu, ut iusto capite explicatur.

IV. De Rege in futurum constituendo disertatur in lege Mosis. Non ergo in pueram datus Princeps. Exprobatio effratio petendi Regem expulso Samuele, non ip'a petitio. Reges unde sacra unguento à Mose confecti, quo Pontifices & vasa sacra unctione erant. Diferentia unctionis Regie & Pontificie. Honor delatus Regi, ob unctionem, à Pontifice & Propheta.

V. Res sedebat in sacratoriis atrij spatiis, stanibus sacerdotibus. Non solum res civiles, sed etiam religiosas trahabat, quod probatur exemplis. Idque ab eo tentatum ratione unctionis.

VI. Pontificis inauguracione & munus in sacrificiis peragendis quotidianis, & in audeundis quotannis solemnis adytis templi. Ozias lepra percussus, quod sacerdotum munitus usurparet.

I. **A**N Principi liceat de rebus ecclesiasticis decernere, magna contentione disputatur: in quo gravissimè peccatur à quamplurimis, qui praefracte & abscessè in alterutram partem hoc vel negant, vel assertunt. Cum enim hæc tractatio in variis species diducatur, distinctione adhibita est peragenda. Ac primò quidem res ecclesiasticae in duo summa genera dividuntur, nempe in ea quæ regulam fidei, & in ea quæ disciplinam respiciunt. Disciplina autem vel in sacerdorum ministerio versatur, vel in Cleri politia & censura, vel in Ecclesiarum divisione, aut bonorum ecclesiasticorum administratione. Quæ dixi, materiam legum respiciunt. Leges autem ipsæ de his rebus aut ex mero Principis imperio feruntur; aut in eum finem, ut Pontificum & synodorum decreta legibus

illis foveantur. quæ omnia singillatim perstringemus.

II. Sanè nullam penes Principes spiritualem auctoritatem esse in confessio est apud omnes, cum ligandi & solvendi potestatem & pascendarum ovium curam Petro & Apostolis Christus tribuerit, & iis quos ipsi hujus ministerij participes facturi essent. In quo nulla Regum mentio: quibus haec potestas asseri non potest, quæ omnem naturæ ordinem exsuperat, nisi disertissimè illis à Deo collata sit. Christus quidem cum Ecclesiam suam institueret, Regum dignitatem non lætit, sed eam non auxit. Reddite, inquit, quæ sunt Cæsaris Cæsari, quæ sunt Dei Deo. Cum vero audis, inquit Chrysostomus, reddenda Cæsari que sua sunt, illa

Chrysost. hom. 71. in Matth.

solum dici non dubita quæ pietati ac religioni nihil officiunt. Nam quod fidei ac virtutis obest, non Cæsaris, sed Diaboli tributum ac vestigal est. Imò vero Apostolus gladio Principem accingit ad scelerum vindictam, non ad fidei canones sancti, ita ut palatum & tribunal ad eum pertineat, non autem Ecclesia & Cathedra Petri.

III. Enimvero quia referri contra potest, in ipsis Ecclesiæ primordiis Imperium penes infideles fuisset, qui hostes fidei cum essent, nil mirum si nulla regendæ Ecclesiæ cura illis fuerit commissa; sed cum Reges nutriti facti sunt Ecclesiæ Christianæ, ut futurum prædixerat Isaías, insignem injuriam fieri Principibus Christianis, si eam in Ecclesia potestatem illis denegemus, quam Reges Iudaorum in Synagoga obtinebant. Itaque ut sincerius hujus questionis disquisitionis instruatur, Pontificiam & Regiam dignitatem in Republica Iudaorum expendemus, ut scaturat quid juris in Principes Christianos è Synagoga derivari possit. Iudaorum Rempublicam suis constitutionibus in Arابum desertis fundaverat Moses, quæ deinde in Iudæa devicta locum suum habuerunt. Torum corpus è Rege, Pontifice, Sacerdotibus, Levitis, & Consiliis ita compactum est, ut regnum sacerdotiale diceretur. Distincta quidem erant munia Regum & Sacerdotum, sed non iis finibus quos in Ecclesia Christiana observamus. Belli gerendi & Imperij administrandi ratio ad solum Regem pertinebat; ut sacrificiorum rerumque sacrarum in templo administratio penes Pontifices erat. Quæ vero de rebus sacris & profanis oriebantur contentiones, ad Regem, ad Pontifices, & Consilia devolvebantur, ita ut quedam esset jurisdictionum commixtio. Quod paulò uberioris explicandum est, ut Respublica Iudaorum cum Ecclesia Christiana in hac

Vide Libellum  
Marce editum  
Barcinone pro def.  
fensione libri de  
Concordia.

Exodi 19.